

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 4. Mee 2021

Här President,

Sou wéi d'Chambersreglement et virgesäit, bieden echlech, dës parlamentaresch Fro un d'Madamm Familljeminister, den Här Finanzminister an un den Här Minister fir Soziales weiderzeleeden.

Am Interview vun der Presidentin vum OGBL mat der Zeitung vum Lëtzebuurger Vollek, deen den 30. Abrëll ënnert dem Titel "Nous défendons une sortie sociale de la crise" publizéiert gouf, heescht et, datt d'Familljenallokatioune säit 2006 net méi indexéiert goufen an domat 20 Prozent u Wäert verluer hätten. Weider féiert d'Presidentin vum OGBL aus, datt d'Regierung am Accord vum 28. November 2014 mat der CGFP, dem LCGB an dem OGBL anerersäits, zougesot hätt, fir dësem Problem Rechnung ze droen, mee hiren Engagementer säitdeem net nokomm wier. Aktuell hätt d'Madamm Familljeminister dann op en neits eng Reindexatioun vun de Familljenallokatiounen an Aussicht gestallt, mee réischt fir den éischte Januar 2022.

Duerfir géif ech der Regierung gär des Froe stellen:

- 1) Wéi ass déi Decisioun motivéiert, fir d'Familljenallokatioune säit 2006 net méi ze indexéieren?
- 2) Deelt d'Regierung déi Interpretatioun vun der Presidentin vum OGBL, zum Accord vum 28. November 2014? Wa jo, wéi justifiéiert d'Regierung hir Decisioun, fir hirem Engagement aus deem zitéierten Accord net nozekommen? Wann net, kann si hir Interpretatioun vun deem Accord erklären an d'Motivatioun elaboréieren?
- 3) Wéi steet d'Regierung zu der Fuerderung, fir d'Familljenallokatiounen em 7,7 Prozent ze indexéieren a bis 2014 réckwierkend nei ze berechnen? Wéi eng Gesamtzousazkäschte géifen doduerch entstoen?

Mat déiwem Respekt,



Fred Keup
Deputéierten